

Na osnovu člana 18 stav 1 tačke e) i m) Ustava Srednjobosanskog kantona (Službene novine Srednjobosanskog kantona, broj: 1/97), a u vezi sa članom 8 Zakona o posredovanju u zapošljavanju i socijalnoj sigurnosti nezaposlenih osoba (Službene novine Federacije BiH, broj: 55/2000), Skupština Srednjobosanskog kantona, na prijedlog Vlade Srednjobosanskog kantona, na sjednici održanoj 16. 12. 1997. donosi

O D L U K U O OSNIVANJU SLUŽBE ZA ZAPOSŁJAVANJE SREDNJOBOSANSKOG KANTONA

Član 1

Skupština Srednjobosanskog kantona radi zadovoljavanja potreba u oblasti zapošljavanja i praćenja kretanja na tržištu rada, osniva Službu za zapošljavanje Srednjobosanskog kantona (u daljnjem tekstu: Služba za zapošljavanje).

Član 2

Ovom odlukom reguliše se:

- naziv osnivača
- naziv i sjedište Službe za zapošljavanje
- djelatnost Službe za zapošljavanje
- iznos sredstava za osnivanje i početak rada te način njihovog osiguranja
- izvore i način osiguranja sredstava za rad Službe za zapošljavanje
- međusobna prava i obaveze osnivača i ustanove
- način raspolaganja viškom prihoda nad rashodima i način na koji se pokriva višak rashoda nad prihodima
- prava, obaveze i odgovornosti Službe za zapošljavanje u pravnom prometu
- lice koje će do imenovanja organa rukovođenja predstavljati i zastupati Službu za zapošljavanje i njegova ovlaštenja i odgovornosti
- rok za donošenje statuta, pravila i drugih akata Službe za zapošljavanje
- organi upravljanja i rukovođenja Službom za zapošljavanje
- druga pitanja od značaja za rad Službe za zapošljavanje

Član 3

Služba za zapošljavanje je javna ustanova i ima svojstvo pravne osobe.

Služba za zapošljavanje ima deponentni račun i transakcijske račune.

Član 4

Naziv javne ustanove koja se osniva ovom odlukom je: "Služba za zapošljavanje Srednjobosanskog kantona".

Skraćeni naziv ustanove je: "Služba za zapošljavanje SBK".

Član 5

Sjedište Službe za zapošljavanje je u Travniku, Stanična 43.

Član 6

Služba za zapošljavanje ima svoj pečat.

Bliže odredbe o broju, vrsti, sadržaju i upotrebi pečata uređuju se statutom Službe za zapošljavanje.

Član 7

Djelatnost Službe za zapošljavanje je:

- utvrđivanje prava licima za slučaj nezaposlenosti, u skladu sa Zakonom o posredovanju u zapošljavanju i socijalnoj sigurnosti nezaposlenih lica
- provođenje programa profesionalne orijentacije, obuke i prekvalifikacije nezaposlenih lica i njihovo ponovno zapošljavanje na odgovarajućim poslovima
- prikupljanje podataka o nezaposlenim licima i dostavljanje tih podataka Federalnom zavodu za zapošljavanje i izrada informacionog sistema, za statističku građu o tržištu rada
- izdavanje radnih dozvola stranim državljanima i licima bez državljanstva, po odobrenju Federalnog zavoda za zapošljavanje
- drugi poslovi utvrđeni Zakonom o posredovanju u zapošljavanju i socijalnoj sigurnosti nezaposlenih lica

U skladu s Odlukom o standardnoj klasifikaciji djelatnosti u Federaciji Bosne i Hercegovine (Službene novine F BiH, broj: 28/98), djelatnost obuhvaća sljedeći razred: 74.5 Agencija za zapošljavanje i posredovanje radne snage.

Član 8

Sredstva za osnivanje, registraciju i početak rada Službe za zapošljavanje, osigurava osnivač.

Član 9

Sredstva za zadovoljavanje potreba iz domena zapošljavanja te za rad Službe za zapošljavanje osiguravaju se, u skladu s odredbama Zakona o posredovanju u zapošljavanju i socijalnoj sigurnosti nezaposlenih lica, Federacija Bosne i Hercegovine iz sljedećih izvora:

- doprinosa koje uplaćuje poslodavac i zaposlenik u skladu sa zakonom
- kamata ili prihoda od uloga koje vrši Federalni zavod i Služba za zapošljavanje
- prihoda od pokretne i nepokretne imovine koju Federalni zavod i Služba za zapošljavanje kupe ili steknu, u skladu sa zakonom
- drugih izvora

Član 10

Služba za zapošljavanje ima pravo i obavezu da obavlja djelatnost radi koje se osniva.

Srednjobosanski kanton će stvarati neophodne uvjete za rad Službe za zapošljavanje, a svoja osnivačka prava prema Službi za zapošljavanje ostvarivat će putem svojih članova u organima Službe za zapošljavanje (Upravni odbor).

Član 11

Višak prihoda nad rashodima Službe za zapošljavanje koristi se za finansiranje programa za tržište rada, u skladu s federalnim zakonom.

Član 12

Organ upravljanja u Službi za zapošljavanje je Upravni odbor, koji broji šest članova, a čine ga predstavnici, i to: osnivača - 4 člana i službenika Službe za zapošljavanje - 2 člana.

Predsjednika i članove Upravnog odbora imenuje i razrješava u ime osnivača Vlada Srednjobosanskog kantona (u daljnjem tekstu: Vlada Kantona), na prijedlog resornog ministarstva.

Predsjednik i članovi Upravnog odbora imenuju se na vrijeme od 2 (dvije) godine.

Nadležnost Upravnog odbora bliže se određuje statutom, u skladu sa zakonom.

Član 13

Službom za zapošljavanje rukovodi direktor, a pomaže mu zamjenik direktora.

Direktor i zamjenik direktora ne mogu biti iz istog konstitutivnog naroda.

Direktora i zamjenika direktora imenuje i razrješava Upravni odbor. Direktor i zamjenik direktora se imenuju na vremenski period od 2 (dvije) godine, a na osnovu konkursa koji se objavljuje u javnim glasilima, uz saglasnost Vlade Kantona.

Direktor i zamjenik direktora se mijenjaju u rukovođenju prvog radnog dana naredne godine.

Uvjeti za imenovanje direktora i zamjenika direktora bliže se uređuju statutom javne ustanove, u skladu sa zakonom.

Član 14

Nadzor nad zakonitošću rada Službe za zapošljavanje u pogledu primjene ove odluke obavlja resorno ministarstvo.

Član 15

Do imenovanja organa upravljanja i rukovođenja, Službu za zapošljavanje će predstavljati i zastupati vršilac dužnosti direktora i vršilac dužnosti zamjenika direktora, koje imenuje Vlada Kantona, na prijedlog resornog ministarstva, sa svim ovlaštenjima i odgovornostima direktora ustanove, u skladu sa zakonom.

Vršilac dužnosti direktora i vršilac dužnosti zamjenika direktora mogu rukovoditi Službom za zapošljavanje do imenovanja direktora, odnosno zamjenika direktora, a najduže 6 mjeseci od dana njihovog imenovanja.

Član 16

Služba za zapošljavanje nakon stupanja na snagu ove odluke preuzima zaposlenike, opremu, inventar i druge stvari, arhivu, akte, predmete, drugu dokumentaciju i sredstva za rad, poslovni prostor i drugu imovinu potrebnu za ostvarivanje djelatnosti, a u skladu sa Zakonom o imovini Zavoda za zapošljavanje Bosne i Hercegovine (Službene novine F BiH, broj 56/00), Zavoda za zapošljavanje BiH Sarajevo i Zavoda za zapošljavanje HZ H-B Mostar.

Objekti i oprema iz stava 1 ove odluke su svojina osnivača.

Član 17

Izradu i provođenje programa profesionalne orijentacije nezaposlenih i drugih lica pri izboru zanimanja, stručne obuke nezaposlenih i prekvalifikacije nezaposlenih za čijim radom je prestala potreba te poticanje otvaranja novih radnih mjesta i poduzimanje drugih poticajnih mjera obavlja Služba za zapošljavanje.

Na prijedlog programa iz prethodnog stavka saglasnost daje Vlada Kantona.

Član 18

Služba za zapošljavanje je obavezna da u roku od 60 dana od dana stupanja na snagu ove odluke donese opće akte ustanove, a to su: statut Službe za zapošljavanje, pravilnik o unutrašnjoj organizaciji i sistematizaciji poslova Službe za zapošljavanje i druge akte te da poduzme druge radnje neophodne za početak rada Službe za zapošljavanje.

Saglasnost na statut Službe za zapošljavanje i pravilnik o unutrašnjoj organizaciji i sistematizaciji poslova Službe za zapošljavanje daje Vlada Kantona.

Član 19

Do donošenja kantonalnog zakona o ustanovama, termini koji se koriste za organe i tijela upravljanja i rukovođenja (upravno vijeće – upravni odbor, ravnatelj – direktor) smatraju se jednakopravnim.

Član 20

Ova odluka ima status osnivačkog akta pri registrovanju Službe za zapošljavanje kod nadležnog organa.

Član 21

Ova odluka stupa na snagu narednog dana od dana donošenja, a objavit će se u Službenim novinama Srednjobosanskog kantona.

Broj: VI-02-599/0

U Travniku 11. 12.



PREDSEDavajući SKUPŠTINOM

Mehmed Mulahalilović